



Nuuk, ulloq 18. marts 2011

Inatsisartut suleriaasiat § 37 naapertorlugu Naalakkersuisunut imaattumik apeqquteqarpunga:

Naalakkersuisunut Apeqqut:

Inatsisartuni UKA2009/148-ip oqaluuserineqarnerani Naalakkersuisut Inatsisartunut neriorsuutertik, tassalu quleqataq taanna pillugu innuttaasunik sineriammi oqallisigitinniarlugu neriorsuutini qaqugu piviusunngortinniarlugu iliuuseqarniarpat?

Tunngavilersuut:

Isumaqqarpunga Kuannersuit taassumalu periarfissai pillugit siammasissumik peqataatitsisumillu oqallinneq pisariaqarluinnartoq – aatsitassarsiornissamut isumaqataasut tusassallugit aammalu aatsitassarsiorsinnaanermut akerliusut isumaat tusassallugu oqallisigissallugulu.

Inatsisartuni UKA2009/148 ”Kalaallit Nunaanni aatsitassap piiarneqarsinnaasup suulluunniit uranimik akuata 0,1%-mut qaffasinnerpaaffilerneqarnissaa piaarnerpaamik sulissutigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.” oqaluuserinerani Naalakkersuisut Inatsisartunut neriorsuippat innuttaasut sineriammi apeqqummut tassungarpiaq isummersuutaat tusassallugu pingaaruteqarluinnartoq aammalu innuttaasunik oqaloqateqarnissaq pingaarluinnartoq.

Tamannarpiaq Siumup isumaqatigalugu siunnersuutip UKA2009/148-p kingusinnerusukkut aappaasaaniigassanngortinniarlugu aaliangerpoq, pingaartutut isumaqarfigigatsigu innuttaasut qanoq oqariartuutissaat tusassallugu aammalu peqataaffigerusukkatsigu.

Maanna taamaallaat Naalakkersuisunit ”oqallinneq illuatungiinnarsortoq” kisiat ingerlataat tassalu paasititsiniaaneq tusagassiutaannakkut qimallugu qaqugu innuttaasut isumaannik oqallitsitsinerlu ingerlanniarneraat apeqqutigaara.

Kissaatigaara apeqqutima ullut suliffiusut qulit qaangiutsinnagit akereerneqarsimassasoq soorlu piumasaqaatit naapertorlugit allassimasoq.

Ikinngutinnersumik inuulluaqqusillunga

Aleqa Hammond
Siumut